



KALKOWO

17149

I Mag. St. Dr. P

*Samborski Albertus Sacan in ausp-*  
*calissimam inaugurationem. Georgius*  
*Biderman, recens creati Consulis Prae.*

PANEG. et VITAE

Polon. 4<sup>a</sup>

№. 45. a



Biblioteka Jagiellońska



stdr0002317



P Æ A N

IN AVSPICATISSIMAM INAUGVRATIONEM  
*Pereximii & Clarissimi Viri,*

D. GEORGII  
B I D E R M A N,

Recens creati Consulis Cracou:  
*IN CORONA AMPLISSIMI*

SENATVS POPVLIQ.  
CRACOVIE:

xxii Calend. Febr. factam:  
DECANTATVS.

*Per*

*ALBERTVM SAMBORSKI, Ad secundam Philosophia  
Lauream Candidatum.*

CRACOVIE,  
In Typographia Francisci Cesarii.  
M. DC. XXII.

BIBLIOTH. UNIV.



JAGIELLOŃSKIE



IN STEMMATA EIVSDEM.



India fert Gryphas famâq; fatetur eosdem.

Ex auro puro nidificare sibi.

Hic pede Gryps dextro stellam tenet; anne putandū?

Gryps velit ex stellis nidificare sibi?

Non sibi nidificat; virtuti clare BIDERMAN,

Ille tuum nidum iam modo nidificat.



GEORGIUS BIDERMAN,  
CONSUL CRACOVIENSIS.

A N A G R A M M A

AN CONSIDERANS IVS  
VIGEBIS COR: COR LEGVM.



Raciadæ Ciues (quid enim nisi vcta  
superfunt)

Dicite nouos honores Consuli nouo:

Néue leui fucopartas censete secures;

Virtus fugacem persequitur honoribus.

Iustitiæ Numen cælis ASTRÆA refulget:

Lux æquitatis in terris GEORGIVS.

Sceptrifer Aegeria iustus Numa fertur in vrbe

In vrbe iustus Cracia GEORGIVS.

Iactat iustitiam Lacedæmon Græca Lycurgi:

GEORGII pietate diues Cracia.



Nobilitat edomus meritis clarissimus idem  
Quis non Magistratu putet dignum virum?  
Casibus humanis facilis, vultuq; serenus;  
Prudens, & affatu bonus, placidissimus;  
Próq; bono populi Iano vigilantior ipso;  
Mitissimus, disertus, integerrimus.  
Ergo boni Ciuis Virtus submersa latebris:  
Prodit in apertum profutura Patriæ.  
Quantushonos vnum multis regnare popellis!  
Non est tuum memorare mea Chelys aurea.  
Quis labor est vnum multis regnare popellis?  
Non est tuum memorare mea Chelys aurea.  
Posse voluntates hominum frenare superbas,  
Regalis est honos, Iouiq; proximus.  
Posse voluntates hominum frenare superbas;  
Regale onus, & idem Iouiq; proximum.  
Nam modo fert animum humanum in bona  
prona voluntas:  
Arbitrii regno superba proprii.  
Nunc mutata animum fert in mala prona vo-  
Arbitrii regno superba proprii. (luntas



Scilicet hinc floret Respublica quæq; duobus,  
Poena bonorum, præmióque Ciuium,  
Ense malos punit: flammis vitiumq; latronum,  
Omniq; supplicij genere damnat malos.  
Præmia sed rectis parat optima, sceptrâ, coronas,  
Aequa bilance merita reddens omnibus.  
Rex homini sua cuiq; Cupido: regula Regum  
Surdescit, in homine si malus regnat animus.  
Nescit quid sit onus, qui nescit nomen honorum,  
Gemmæ quot in corona tot molestiæ.  
Obene fælices quorum mens anxia pro se  
Sollicita non est pro salute Ciuium.  
At tu sume Magistratum dignissime Consul,  
Néue fuge fasces, Clare Ciuis Ciuium.  
Hei mihi qualis eris Craca dominator in vrbe:  
Ipse ante Collegas tuos pulcherrimus.  
Néue reformida magis aurea Sceptra Senatus  
Sumpsisse, quàm Romanus vnus agricola.  
Qui venit hic titulus, titulus supereminet omnes  
Virtute non auro tibi propria datus.



Ingrederere, & celebres cape quos spondemus  
honores:

Pro Ciuum Consul bono vigil, sagax.  
Néue recusato populo prodesse Senator,  
Non sine etiam vitæ tuæ molestiâ.  
Est aliquid rexisse ratem; Clauumq; tenere  
In Ciuitate Consulatus optimi.  
Et mandare bonis, & rectas condere leges,  
Et consulere beatitati Ciuum.

Eia age, macte animo, nomen cape clare

B I D E R M A N.

Consulis: & optima consule Reipublicæ.  
Prô Superi, Aligeriq; boni, quibus aurea curæ  
Solia, patrocinemini G E O R G I O.

Quamq; capit Spartam propria virtute regendâ:

Hanc finite fælix ornet alitibus bonis,  
Ingenium, solersq; animi prudentia rerum,  
Veniant ab alto pectus occupent Viri.  
Prouideat bona cuncta suis, pro tempore cuncto,  
Solers salute pro suorum Ciuum.

Descen-



Descendat cælis Astræa, Viróq; bilancem  
Tradat, coronas, secures ferreas:  
Puniat vt vitium, virtutes ornet, & artes  
Veteres reuocet, emendet & mores malos.  
Firmetur senium Iuris. priscamq; reducant  
Leges senectam, Consulatu Consulis.  
Deniq; se renouet Respublica tota, quotannis,  
Phænix solet renouare se quemadmodum.  
Religio, sanctusq; pudor, legesque sacratæ,  
Syncera veritas, fides, modestia.  
Consulis imperio regnent vbicunq; locorum,  
Terrisq; sæculum reducant aureum.  
Non ego diuitias populosis vrbibus opto:  
Non quas Arabs, aut Indus legit opes: (phos;  
Nec peto quas quondam petiit Carthago trium.  
Non alta muris Troiæ pergama Gazæ:  
Non vt pyramidū decorentur honore superbo  
lactentq; turres, & Colossos aureos:  
Quod facile est; opto mores, vitamq; pudicam,  
Virtute non muris beata Ciuitas.

Or.



Orpheu qui placas quereus, & flumina cantu,  
Ferasq; docta detines lyra tua.

Occine fausta precor mecum noua carmina  
fælix;

Pro sorte fausta dignitatis Consuli,  
Flecte ratem Palynure tuam, bone flecte  
BIDERMAN

LEGVM COR optimorumq; COR Ciuiũ.  
Vt Cor fons vitæ membris dat viuere vitam;  
Haud aliter per Principes Respublica  
Viuit, & amissis moritur sine legibus, vt fit;  
Dum Cor moritur, & ipsa vita disperit.  
Incipe COR LEGVM membris diffundere  
vitam;

Ne membra tabescant malis affectibus.  
Siue opus est animos aluisse rubore pudoris:  
Populo propina poculum innocentia.  
Iustitiæ ué fames in gloria reddat egenos,  
Integritas reficiat animos Ciuium.  
Quid dubitas? quid tuta times? accede, regasq;  
Regimine fælici popellum pauperem.

Si



Si laus in pretio est. AN non cum laude  
VIGEBIS,  
CONSIDERANS IVS Ciuium optimatiū.  
Iustitiam contra ne quid peccetur in vrbe,  
Poenam malis tribuendo præmium bonis.  
Perge bonis auibus, famâ super altior omnes,  
In agmine populi decus lectissimum.  
Nomine cresce bono, sceptris decoratus auitis,  
Velut arbor æuo crescit hortis nobilis.  
Vtq; præit luces cælestes luna minores,  
Haud aliter tu cæteros inter vire.  
Hæc ego pro faustis successibus opto Patrono;  
Tu viue prosper ALBERTI tui memor.

ORNA-



Ornatissimo & què ac Spectatissimo Viro  
**D. STANISLAO**  
**A M E N D,**  
CONSVLI ET CVLTORI ILCVSIEN: &c,  
Patrono & Mœcenati suo amplissimo.

*C*vm Genero bona verba precor, bona verba pre-  
Me tibi clare senex Phæbus Apollo monet. (cari,  
Quidquid enim Gener est, in te Pater istud abunde,  
Gloria cum vera laude redundat honos.  
Gaude filioli Pater optime sorte secunda,  
Filiusq; bono nomine viue Senex,  
Dignus es, & meruit tua sancta senectæ: Nepotes  
In populo claros, posse videre bonis.  
Crescat honos Generi. crescant tua gaudia tecum,  
Et viuas Genero cum Seniore Senex

Cliens addictissimus



ALBERTUS SAMBORSKI.







